



學 生 國 學 叢 書

胡才甫選注

民 族 詩 選 註

商 務 印 書 館 發 行



民族詩選

林森署



林森

凡例

1. 本編選詩，旨在發揚民族精神，表章忠義氣節，名曰民族詩選注，以應中等學校課內選本或課外讀物之需。

2. 本編以中等學生爲對象，選材不取長篇，注釋但期明簡。凡鴻篇鉅製詞義艱晦者，概從割愛。注釋以能說明辭意爲主，不繁列出處。

3. 選詩宗旨有三：一曰人，如岳飛、文天祥、瞿式耜、張煌言之類。或有詩雖平庸，亦間錄之。二曰事，如戴復古之咏真德秀上萬言疏，林宋偉之咏姚興抗金死國，何夢桂之挽正節先生，汪元量之哀浮丘道人等。三曰詩，如陸放翁憂國之作，劉後村感舊之詩，劉麟瑞之昭忠詠，吳日生之六公咏，並忠義憤發，足資觀感。

4. 宋明二代，外患最深，且亡于異族，忠義死事，史不絕書，本編取材，以二代

爲主。

5. 作者事略，有關詩義，輒于詩前簡括稱引。其瑣屑言行出于篇中者，則列入注釋，以避繁冗。

6. 注釋以初見爲主，重見則書『見前某詩注。』

7. 詩有本事，注釋宜詳。凡原集所引，或散見他籍者，酌採附于詩前，以便讀者。

8. 史實浩繁，徵引容有未當；如蒙指謬，曷勝感幸！

中華民國二十六年三月

建德胡才甫識于之江文理學院之寓樓

劉子翬

偶書

巡寨偶書

四不忍四首

北風

朱熹

拜張魏公墓下

王履

臨難歌

宇文虛中

在金日作三首

何棗

在金營題詩

滕茂實

哀詞

哀隆德守臣張確

李若水

衣襟中詩

曾如驥

題考功印紙

曲端

蜀中作

岳飛

題青泥市寺壁

送紫岩張先生北伐

誄適齋先生

寄浮屠慧海

題驟馬岡

范成大

會同館

州橋

陸游

聞武均州報已復西京

喜小兒輩到行在

龍眠畫馬

秋興

五月十一日夜夢覺而成詩

冬夜不寐至四鼓起作此詩

秋夜泊舟亭山下

燕堂春夜

秋郊有懷

冬夜聞角聲

秋思

秋夜將曉出籬門迎涼有感

夜讀攬轡錄感而成詩

十一月四日風雨大作

枕上偶成

暮春

不寐

客去追記坐間所言

追憶征西幙中舊事四首

縱筆

秋夜思南鄭軍中

客從城中來

示兒

陳傅良

除夜

送曾繼先赴山陰路鈐

樓鑰

題龍眠畫騎射抱毬戲

送張定叟鎮襄陽

李伸之

獻帥府經歷

黃公度

和龔實之聞虜人敗盟

劉克莊

感昔二首

書事

夢豐宅之

寄何立可提刑

贈防江卒

聞何立可李茂欽計二首

題忠勇廟

王庭珪

爲徐獻之賦詩一首

送宣向卿

戴復古

讀真德秀萬言疏詩

題徐京伯北征詩卷

楊由義

弔王忠肅

林宋偉

拜卞忠貞墓

陳文龍

元兵俘至合沙詩寄仲子

文天祥

紀事

杜架閣

題蘇武忠節圖

過零丁洋

言志

答張元帥言成詩一首

過淮河宿闕石有感

送行中齋

題忠毅姚公廟四首

亂離歌六首

留燕周星為賦長句

出獄時臨刑詩

何夢桂

挽徐應鑣

林景熙

題陸放翁詩卷後

夢中作四首

冬青花

聞家則堂歸自北寄呈

端午次韻懷古

讀文山集

雜咏酬汪鎮卿

民族詩選注

目錄

拜岳王墓

謝翱

冬青樹引別玉潛

書文山卷後

梁棟

哀毘陵

李謹思

題吟嘯集

贈李節婦

張琰

出塞曲二首

黃誠性

挽文丞相

鄧剡

挽文信公詩

韓性同

岳王墓

謝枋得

初到建寧賦詩一首

辭洞齋華甫惠寒衣

和曹東谷韻

和葉愛梅韻

和游古意韻

魏天應

送疊翁北行二首

送疊翁北行

王濟淵

送疊山先生北行

張子惠

送疊山先生北行

王奕

送疊山先生北行

洪咨夔

挽疊山先生

汪元量

錢唐歌

北師駐皋亭山

文山道人事畢

墨蘭

寫憤

書前後臣子盟檄後

語聲

咏制置李公芾

咏察使姜公才

咏都統王公安節

自題大義集後

寅辰歲旦歌

勵志

一礪

二礪二首

八礪

丞相文信國公

潘音

悼文丞相

劉麟瑞

丞相信國公文公

湖南安撫李公

淮東制置使李公

丞相陸公

樞密張公

江東制置使謝公

階州守臣董公

丞相江公知府江公

參政高公

徐世隆

挽文丞相

虞集

哭文山丞相

彭友信

文文山獄中遺墨

胡奎

悼文山

甘瑾

讀文丞相傳

金幼孜

讀文丞相傳有感

陳獻章

題匡山奇石陰詩

匡山大忠祠詩

匡山弔陸公祠

楊一清

謁睢陽協忠廟

程敏政

謁京口魏勝將軍廟

李夢陽

石將軍戰場歌

邊貢

謁文山祠

顧鼎臣

讀文文山傳用少陵韻

文徵明

詠文信國事四首

朱魯

文丞相忠孝外傳詩二首

陳嘉謨

信國故園

許炯

厓山大忠祠

螺川望文丞相墳

梁有譽

吳國倫

礪州弔古

吳旦

厓門弔古二首

鄭國賓

關西老將歌

黃謙

惶恐灘

歸有光

題周冕贈任別駕卷三首

頌任公詩

沈明臣

凱歌

戚繼光

登盤山絕頂

陳第

送戚都護歸田詩

周詩

謁岳王墓

黃鳳翔

謁于少保祠

李之世

厓山弔古

方孔炤

井中鐵

袁崇煥

鄭琰

汪懋忠七十從軍

孫承宗

謁太常楊椒山祠

朱繼祚

絕命詞

孫士美

守城作

袁繼咸

讀西臺慟哭記

雪日

左懋第

客燕

吳應箕

閒看

黃道周

過新嶺

金鉉

拜文信國祠下

賀王盛

絕命詞

徐汧

三月十九日

張錫眉

絕命詞

絕命詩

陳函輝

臨終別親友二首

絕命詞五首

范景文

甲申殉難詩

許直

絕命詞

陳潛夫

絕筆

夏允彝

哀侯峒曾

黃淳耀哀詞

絕命詞

麻三衡

西山二首

被執時題詩

張秉純

絕命詞

眭本

與蔣冷生醉吟

悼葛蒼公

吳可箕

題衣上詩

凌潤生

題衣絕筆

秋夜感懷

春興同錢大作

張肯堂

絕命詞

張煌言

挽張鯢淵相國二首

弔沈五梅中丞

答張書紳范子瞻

書懷

追往

八月辭故里二首

吳易

六公咏六首

吳爾壘

我行其野三章

題仁書後

凌 駟

題衣

葛 麟

贈友人

上史閣部

文 乘

絕命辭

何騰蛟

述懷

浩氣吟八首

初六日紀事

自嘆示別山

閏十一月初一夜放言三首

張同敞

和稼軒師浩氣吟八首

和稼軒師

答留守師二首

稿成寄僧

臨刑詞

萬 泰

東義扶

三月十九日二首

陳士京

酌刀

林棟隆

讀岳少保題壁

王藥師

聞諸路起兵信

莊元宸

絕命詞三首

王夫之

讀指南集

陸世儀

挽瞿稼軒

周岐

弔史道鄰

徐夜

弔謝皋羽

戴本孝

安遠侯隸卒

長干丐者

方以智

告哀詩

哭臥子

余颺

拜錢少保祠

揚州

胡長庚

揚州

艾丹生

乙將軍歌

黃宗羲

卓烈婦四首

三月十九日聞杜鵑

釣臺

蒼水

顧炎武

王太監墓

歸莊

哭仲兄爾德

次願公韻

古意

顧夢游

拜文丞相祠

賈開宗

卓烈婦

杜濬

咏謝翱

黃逵

卓烈婦

陸廷掄

過史相國墳

閻爾梅

答友人二首

傅鼎銓

憶劍

題扇

憶謝疊山

楊焯

拜于忠肅公墳

劉城

哭史公

胡春生

懷凌井心

柴紹炳

卓烈婦

俞國賢

軍中

劉子翬

子翬，字彥沖，宋崇安人。以父幹任授承務郎辟幕屬，幹死靖康之難，子翬痛憤哀毀。除通判興化軍事，以羸疾乞祠，歸隱屏山，學者稱屏山先生。有屏山集。

偶書

風急胡塵暗九州，岸巾①長嘯一登樓。故園卻憶桐孫②在，薄宦端為荔子③留。
湖海以南兵尙鬪，犬戎④不死禍難休。似聞推轂⑤皆飛將，盍有清談謝傅⑥流！

①岸巾，猶岸幘也。露額曰岸。

②桐孫，謂桐樹上孫枝。亦作孫子解。

③荔子，謂興化產荔枝，時子

翬通判興化軍事，故云。

④犬戎，泛指金人。

⑤助人成事曰推轂。此指朝臣言。

⑥謝傅謂謝安，

安卒贈太傅，世稱謝太傅，故云。

巡塞偶書

窮寇轉趨海，吾邦備宜先。連年戍役頻，徵兵及漁佃；扶戈或稚齒，嬰冑①仍華顛。②
 未知戎伍肅，朱旗亂長阡。林端晚燧發，石際飛梯懸。崎嶇樵牧地，萬竈生浮烟。
 我行視營柵，兒戲端可憐！倚茲形勢險，寇至常遷延。羣兇昔吾軍，赤指抨鳴弦。防
 胡屢瓦解，合寇俄星連。猶多燕趙兒，意氣非當年。駢車③載珍寶，結騎馳嬋娟。④
 時危天稔⑤亂，事豈汝能專。怒風飛驚濤，河梁失歸船。四顧天地黑，攬衣思茫然！

①嬰，同櫻。繫著之義。冑，兜鍪也，戰時所著之冠，以禦兵刃者也。②華顛，白首也。猶言老人。③駢車，猶言並車，與下句「結騎」義相仿。④嬋娟，狀人物美好之詞。此指美人。⑤稔，熟悉之義。亦作積久解。

四不忍

草邊飛騎如烟滅，拉獸摧斑食其血。此時疾首①念鑿輿，②玉體能勝飢渴無？危
 城屑麴③驚雲擾，簾簾④無光天座⑤杳。奮戈儻未雪深讎，我食雖甘何忍飽！

①疾首怒恨之貌詩「疾如疾首」 ②鑾輿猶鑾駕天子所御車也此泛指宋帝 ③屑麴謂碎麴爲屑而食也。 ④簠簋祭器此喻宗廟。 ⑤天座猶言帝位。

黃河鑿鑿①冰成路，人語寒空氣成霧。此時泣血念鑾輿，玉體能勝凜冽②無蒼

皇③天步④蒙塵⑤去，畫袞⑥飄零傷歲暮。飛書儻未伐姦謀，我服雖華何忍御！

①鑿鑿，鮮明之貌，謂冰也。詩「白石鑿鑿」。 ②凜冽，寒甚也。 ③蒼皇，猶倉皇也，匆遽貌。 ④天

步，詩「天步艱難」。毛傳鄭箋皆釋步爲行，謂天行此令人艱困之事也。朱子解天步爲天運。此喻

天子也。 ⑤蒙塵，謂天子失國，奔走於四方也。此指徽欽被虜。 ⑥畫袞，喻帝王。

平沙月轉旌旗影，擐①甲爲衾戈作枕。此時飲恨念鑾輿，玉體能勝暴露無？問安

使者空相繼，清蹕②不回宮殿閉。請纓③儻未縛酋渠，④我榻雖安何忍寐！

①擐，貫也。 ②清蹕，清謂清潔道路，蹕謂辟止行人，爲舊時天子出行之制。 ③請纓，漢終軍請受

長纓，羈南越王致之闕下。後人因以投効軍營爲請纓。 ④酋渠，猶言酋帥，卽俗言首領之義。

漁陽①疊鼓風沙戰，潑水淋漓舞胡旋。②此時太息念鑾輿，玉體能勝寂寞無？六

宮遭亂多奔迸，^③不復梨園^④歌舞盛。著鞭儻未蹂龍庭，^⑤我瑟雖調何忍聽！

①漁陽，鼓曲名。

②胡旋，舞名。夷部樂有此舞，亦稱踏毬戲。

③奔迸，猶言奔逃走散。

④梨園，唐

明皇選坐部伎子弟三百人教於梨園，後世引為陳設聲伎之處。

⑤龍庭，謂匈奴之王庭也。

北風

雁起平沙晚角^①哀，北風回首恨難裁。淮山已隔胡塵斷，汴水猶穿故苑來。紫色

蠅聲^②真倔强，翠華龍袞^③暫徘徊。廟堂此日無遺策，可是憂時獨草萊！^④

①晚角，角，軍中吹器。晚角，謂薄暮軍中吹角。

②紫色蠅聲，即紫奪朱，鄭亂雅之意。蠅聲謂淫哇之

聲，猶鄭聲也。漢書王莽傳贊：「紫色蠅聲，餘分閏位。」此處喻金人雖倔强，究非正統。

③翠華，天

子之旗，以翠羽為飾。龍袞，天子之服。此喻天子。

④草萊，本作田野解，此喻隱逸之士。

朱熹

熹，字元晦，一字仲晦，宋婺源人。中紹興進士第，歷仕高孝光寧四朝，仕至轉運副使，崇政殿說書，煥章閣待制致仕。年七十一卒。理宗贈太師，封信國公，改徽國。

拜張魏公^①墓下

衡山何巍巍，湘流亦湯湯。^②我公獨何往，劍履在此堂。念昔中興初，孽豎^③倒冠裳。公時首建議，自此扶三綱。精忠貫宸極，^④孤憤摩穹蒼。^⑤元戎二十萬，一旦先啓行。西征奠^⑥梁益，南轅無江湖。士心旣豫附，國威亦張皇。縞素哭新宮，哀聲連萬方。黠虜聞褫魄，^⑦經營久徬徨。玉帛^⑧驟來往，士馬且伏藏。公謀適不用，拱手遷南荒。白首復來歸，髮短丹心長。拳拳冀感格，^⑨汲汲勤修攘。^⑩天命竟難諶，^⑪人事亦靡常。悠然謝台鼎，^⑫騎龍白雲鄉。^⑬坐令此空山，名與日月彰。千秋定軍壘，岌嶮^⑭遙相望。賤子來歲陰，烈風振高岡。下馬九頓首，撫膺淚淋浪。山顏今幾

年，志士日慘傷。中原尙腥羶，^⑤人類幾豺狼。公還浩無期，嗣德煒有光。^⑥恭惟宋社稷，永永垂無疆！

①張浚，宋綿竹人，字德遠，登進士第，爲太常寺簿。時金粘沒喝入汴京，欲立張邦昌，浚逃入太學，不肯署狀。高宗時爲川陝京西諸路宣撫使，力扼金人，會秦檜主和議，貶官。孝宗時除樞密使，都督江淮軍馬，封魏國公，諡忠獻。浚志在恢復，終身不主和議，功雖不就，人稱其忠。

②湯，音商。湯湯，水流貌。

③孽豎，喻亂臣。

④宸極，北極星也，亦作天子之尊位解。

⑤穹蒼，天也。言其形穹隆，而色蒼蒼也。

⑥奠，定也。

⑦褫魄，猶奪魄也。

⑧玉帛，古會盟朝聘所執以爲禮也。句謂宋與金通好。

⑨拳拳，懇至之意。感格，謂感格君上。

⑩汲汲，求速之意。修攘，猶安內攘外之意。

⑪謏，與慙通，信也。書：「天難謏，命靡常。」

⑫台鼎，宰輔之稱，舊稱三公曰台鼎，言如星之有三台，鼎之有三足也。

謝台鼎，猶言去宰輔之職。

⑬句謂逝世。

⑭岌業，山高危貌。蓋諸葛定軍壘與張魏公之墳遙遙對峙，定軍山，在今陝西沔縣，諸葛亮葬此，因山爲墳。

⑮魚臭曰腥，羊臊曰羶，指金人言。句謂金人入據中國。

⑯句謂張魏公後嗣繼起有人。煒，赤色，有光榮也。

王履

履，字坦翁，宋開封人。元祐初，從父景琚南郊恩，爲三班奉職。元符上書，編置新州，入黨籍。靖康初，除相州觀察使，扈駕被留，死之。

臨難歌

矯首向天兮，天卒無言！
忠臣效死兮，死亦何愆？
三朝北盟會編

宇文虛中

虛中，字叔通，宋益州廣都人。大觀二年進士。建炎初，以資政殿學士，充祈請使，留金為翰林學士。紹興中謀劫金主，事泄，全家皆死。

北窗炙輿云：宇文虛中在金作三詩，所謂人生一死渾閒事云云，豈李陵所謂欲一効范蠡曹沫之事後虛中仕金為國師，遂得其柄，令南北講和，大母獲歸，往往皆其力也。近傳明年八月間，果欲行范蠡曹沫事，欲挾淵聖以歸，前五日，為人告變，虛中急發兵直至金主帳下，金主幾不能脫，遂為所擒。嗚呼！痛哉！實紹興乙丑年也。審如是，始不負太學讀書耳。

在金日作

滿腹詩書漫古今，頻年搖落易傷心。南冠^①終日囚軍府，北雁何時到上林？^②開口摧頽空抱朴，脅肩奔走尙腰金。莫邪利劍今安在，不斬姦邪恨最深！

①南冠，謂羈囚之人也。左傳：「晉侯觀於軍府，見鍾儀而問之曰：南冠而縶者誰也？」對曰：鄭人所獻楚囚也。」
②句用蘇武故事，謂雁足帶書，何時可到中土。

遙夜沈沈，清嘉氣，有時歸夢到家。維傳聞已築西河館。自詔前服，北海主。回
首兩朝俱草莽，馳心萬里絕農桑。人生一死渾閒事，裂眚穿胸不汝忘。

①西河館，行人之館。

②句自比蘇武。蘇武爲匈奴所留，牧羊十九年，始得歸漢。

不堪垂老尙蹉跎，有口無辭可奈何！強食小兒猶解事，學妝嬌女最憐他。故衾媿
見霑秋雨，短褐寧忘拆海波？①倚杖循環如可待，未愁來日苦無多。

①杜詩北征：「海圖拆波濤，舊繡移曲折。」謂剪舊物以補豎衣，故拆移而顛倒也。海圖，當是衣上
所畫之物。

何 卓

卓，字文縝，仙井監人。政和五年進士第一人，歷官尙書右僕射，兼中書侍郎，死靖康之難。

在金營題詩

念念通前劫，依依返舊魂。人生會有死，遺恨滿乾坤！

滕茂實

茂實，字秀穎，杭州臨安人。章敏公元發從子，家於吳。政和八年進士，初名禿，徽宗改賜今名。靖康初以工部員外假侍郎使金，見留，終身布衣，稱宋使者，歿於雁門。其友董誥錄其哀詞來獻，詔宣付史館，褒錄之。

齊東野語：茂實先是自分必死，遂囑友人董誥以奉使黃幡裹屍而葬，且大書九篆字云：宋使者東陽滕茂實墓，復作詩自敘云云。後竟以憂憤成疾殂。北人哀其忠，爲起墓雁門山，定時致祭焉。

哀詞有序

茂實奉使無狀，不復返父母之邦，所當從其主以全臣節，或怒而與之死，幸以所仗旛裹其屍，及以所篆九字刊之石，埋之臺山寺下，不必封樹。蓋昔年病中，曾夢遊清涼境界，覺而病愈，恐亦前緣。今預作哀詞，幾於不達，方之淵明則不可；若蘇屬國牧羊海上，而五言之作，始敢援此例云。

螿鹽①老書生，謬作王都官。索米了無補，從事敢辭難。殊鄰復盟好，仗節來榆關。城守久不下，川途望漫漫。儉輩②果不惜，一往何當還。牧羊困蘇武，③假道拘張

騫。④流離念窘束，坐閱四序遷。同來悉已歸，我獨留塞垣。形影自相弔，國破家亦殘。呼天竟不聞，痛甚傷肺肝。相逢老兄弟，悼歎安得歡。波瀾卷大廈，一木難求安。就不違我心，渠不汗我顏？昔燕破齊王，羣臣望風奔，王蠋⑤獨守節，齊人有甘言。經首自絕脰，感慨今昔聞，未嘗食齊祿，徒以老爲民。況我祿數世，一死何足論。遠或投江海，近或死朝昏。斂我不須衣，裹尸以黃旛，題作宋臣墓，篆字當深刊。我室年尙少，兒女皆童頑，四海無置錐，⑥飄流倍悲酸。誰當給衣食，使不死飢寒。歲時一酌我，猶足慰我魂。我魂亦悠悠，異鄉寄沉寃，他時風雨夜，草木號空山。

①齏鹽，素食也。

②儉輩，不詳。

③蘇武，見宇文虛中詩注。

④漢欲通月氏，以張騫爲使，道經匈

奴，爲單于所留，居十餘歲。

⑤王蠋，周時齊人。燕破齊，聞蠋賢，欲求之，蠋謝不往。燕人曰：不來，吾且

屠。蠋曰：忠臣不事二君，今國破君亡，吾何以存。乃欲刳之以兵，吾與其不義而生，不如死。遂自經死。

齊士聞之曰：蠋，布衣也，義不北面于燕，況在位食祿者乎？乃共立潘王子爲襄王。

⑥置錐，猶立錐

也，喻家貧。

哀隆德守臣張確^①。確浮休張舜民弟嘗爲烏延帥幕獨不廷謁童貫詩以

弔之

睢陽萬古一張巡^②，忠義傳家有世臣。顏子^③服膺當入室，潘郎^④望拜肯同塵。
圍城抱恨天猶晦，仗劍臨危氣益振。嘆子鄰邦盡曹李^⑤，偷生端作九泉人。

①張確，字子固，宋宜祿人。元祐進士，知隆德府，金兵至，諭使降。確曰：頭可斷，腰不可屈。戰死。②張

巡，唐南陽人。開元末以進士官真源令，安祿山反，與許遠合兵守睢陽，拜御史中丞，累戰皆克，食盡，殺愛妾以饗士，城陷，爲賊所殺。③顏子謂顏淵。孔子稱其得一善則拳拳服膺而勿失。入室，謂學

問已至精微之奧。此喻張確學有深造。④潘郎謂潘岳，岳見賈充，望塵而拜。⑤曹李謂曹蜎李

志。蜎曹茂之小字，字永世，彭城人。李志，字彥道，襄陽人。世說新語：「庾道季云，廉頗藺相如雖千載上死人，懍懍恆如有生氣；曹蜎李志雖見在，厭厭如九泉下人。」

李若水

若水，本名若冰，欽宗賜名若水，字清卿，曲周人。靖康初以上舍登第，由太學博士，歷吏部侍郎。京師陷，從欽宗幸金營，不屈死之。建炎初，贈觀文殿學士，諡忠愍，有集。

靖康小雅：靖康之難，死節之士，公爲第一。弔之詩曰：烈烈李公，實備全德；義動幽冥，氣貫金石。扈蹕虜營，爰定忠烈，杞人之憂，廢立大厄。公挺不顧，二酋面叱，勇甚雷霆，天地動色。命輕鴻毛，名高斗極。燎原之火，不變藍瑩。滔天之溺，砥柱獨立。死得其所，震耀方冊。

衣襟中詩

胡馬南來久不歸，山河殘破一身微。功名誤我等雲過，歲月驚人雪飛。每事恐貽千古笑，此心甘與衆人違。艱難惟有君親重，血淚斑斑染客衣。

曾如驥

如驥，泰和人，爲寶慶通判，死金兵之難。

豫章詩話：金兵薄寶慶，泰和曾公如驥遣弟如駿歸曰：「吾旣以身許國，不得顧先人宗祀矣，汝其圖之。」涕泣與別，復以考功印紙題其上云云。澄江，指泰和故鄉也。事亟矣，書舍生取義一章於壁，以明己志。城將陷，左右請迎降，公叱之，登子城，投資江死。

題考功印紙

謹將節義二字，結果印紙一宗。了卻神游何處？澄江明月清風。

曲端

端，字平甫，鎮戎軍人。建炎初，累官威武大將軍，涇州防禦使，爲張浚所忌，誣以反，下恭州獄，糊其口，爇之以火，乾渴求飲，予以酒，九竅流血死。

三朝北盟會編：張浚既失全陝，退保蜀中，復欲用曲端，王庶曰：不可。富平之戰，宣撫與曲端有勝負之約，今日宣撫何有面目見端？吳玠亦懼端之嚴明，乃書曲端謀反四字於手心，浚雖有殺端之心，而未有罪。庶等曰：曲端作詩題柱，有指斥乘輿之意，曰：不向關中興事業，卻來江上泛漁舟。此其罪也。浚乃送端萬州羈管，復令恭州取勘。康隨先在鳳翔，遭端決背一百。浚以康隨爲提點刑獄公事，端聞之曰：吾其死也。呼天者數聲。端有馬名鐵象，日馳四五百里，惜之過於子息，又連呼鐵象者數聲，既死不旬日，鐵象亦死。

鶴林玉露：端知書，嘗作詩云：破碎山河不足論，幾時重到渭南村？昔人云：欲挂衣冠神武門，先尋水竹渭南村。卽此事也。

蜀中作

一擊長肅東風裏，多少未歸人斷魂！

岳飛

飛，字鵬舉，相州湯陰人。宣和間應真定宣撫募，累立戰功。南渡歷少保河南北諸路招討使，進樞密副使，封武昌郡開國公，罷為萬壽觀使。為秦檜所陷，殞大理寺獄。淳熙六年賜諡武穆，嘉定四年追封鄂王，淳祐六年改諡忠武，有集。

題青泥市寺壁

雄氣堂堂貫斗牛，誓將真節報君讎。斬除頑惡還車駕，不問登壇萬戶侯。

送紫岩張先生北伐

號令風霆速，天聲動北陬。長驅渡河洛，直搗向燕幽。馬蹀闕氏^①血，旗臯可汗^②頭。歸來報明主，恢復舊神州。

①蹀，踏也。闕氏，漢時匈奴王后之稱。②臯，謂臯首，古有殺人而懸首木上也。可汗，猶言單于。

誅適齋^①先生

南渡已三紀，衣冠今幾存！傷心失故老，回首望中原。去國權臣力，全軀聖主恩。致君堯舜日，哀意託空言。載家集

①適齋先生不詳，或是汪大猷。

寄浮屠慧海

湓浦廬山①幾度秋，長江萬折向東流。男兒立志扶王室，聖主專征滅虜酋。功業要刊燕石②上，歸休終伴赤松③游。叮嚀寄語東林④老，蓮社⑤從今着力修。金

陀粹編

①湓，水名，在江西。廬山，山名，在今江西九江境。

②燕然，山名，在外蒙古。後漢竇憲追北單于，登燕

然山，刻石勒功而還。

③赤松子，古仙人名。漢張良願棄人間事，從赤松子游。

④東林，禪院名。在

廬山。

⑤蓮社，晉僧慧遠居廬山，與劉遺民等同修淨土，中有白蓮池，因號蓮社。

題驟馬岡

立馬林岡豁戰鋒，轉雲開處一溪流。幾春①冰泚猶傳晉，黍秀宮庭孰憫周！②南

服③只今殲小醜北轅何日返神州誓將七尺酬明聖怒指天涯淚不收江西通志

①句義不詳疑有誤字。(春或是春字。) ②箕子朝周過殷之故墟見家室毀壞生禾黍傷之乃

歌曰麥秀漸漸兮禾黍油油彼狡童兮不與我好兮蓋悲故國之滅也 ③南服猶南方也。

范成大

成大，字致能，吳郡人，紹興中擢進士第，累官參知政事，奉祠，起知明州，除端明殿學士。有石湖集。

會同館

萬里孤臣致命秋，此身何止一漚浮。提攜漢節同生死，休問羝羊解乳否！

○遼人館宋使處，謂之會同館。原注：『授館之明日，守吏微言有議留使人者。』

州橋

州橋南北是天街，父老年年等駕迴。忍淚失聲詢使者，幾時真有六軍來？

○古者天子六軍。周制，萬二千五百人為軍。

陸游

游，字務觀，山陰人。十二能詩文，蔭補登仕郎。孝宗時賜進士出身，五為州別駕，西泝棘道，范成大帥蜀，為參議官，以文字交，不拘禮法，人譏其放，因自號放翁。旋起知嚴州，同修實錄，陸寶章閣待制，致仕，封渭南伯，卒年八十五，有劍南詩稿。

聞武均州報已復西京

白髮將軍亦壯哉！西京①昨夜捷書來。胡兒敢作千年計，天意寧知一日回。列聖仁恩深雨露，中興赦令疾風雷。懸知寒食朝陵使，驛路梨花處處開。

①西京，北宋以洛陽為西京。

喜小兒輩到行在①

阿綱學書蚓滿幅，阿繪學語鸞囀木，截竹作馬走不休，小車駕羊聲陸續。書窗澆壁②誰忍嗔，唬嘑也復可憐人。卻思胡馬飲江水，敢道春風無戰塵。傳聞賊棄兩

京走，列城爭爲朝庭守，從今父子見太平，花前飲水勿飲酒。

①天子巡幸所居曰行在。②漉，泥著物也，同汙。漉壁，謂塗抹牆壁也。

送芮國器①司業

往歲淮邊虜未歸，諸生合疏論危機。人材衰靡方當慮，士氣崢嶸未可非。萬事不如公論久，諸賢莫與衆心違。還朝此段宜先及，豈獨遺經賴發揮。

①芮煜字仲蒙，一字國器，宋吳興人。紹興進士，因和沈長卿詩，爲秦檜所忌，竄化州。乾道中以右文殿修撰致仕。

太息宿青山舖作

太息重太息，吾行無終極。冰霜迫殘歲，鳥獸號落日。秋砧滿孤村，枯葉擁破驛。白頭鄉萬里，墮此虎豹宅。道邊新食人，膏血染草棘。平生鐵石心，忘家思報國。卽今冒九死，家國兩無益。中原久喪亂，志士淚橫臆。切勿輕書生，上馬能擊賊。

骨帶火印，離立欲不禁風吹。圉人太僕①空列位，龍媒汗血②來何時？李公太平官京師，立仗慣見渥注④姿。斷縑歲久墨色暗，逸氣尙若不可羈。賞奇好古自一癖，感事憂國空餘悲。嗚呼安得毛骨若此三千匹，銜枚夜度桑乾磧！⑤

①李公麟，字伯符，宋舒州人。元祐進士，工詩善畫，元符末致仕，歸老居龍眠山莊，自爲圖，號龍眠居士。②圉人，太僕，古時掌養馬芻牧之官。③龍媒，駿馬也。汗血，良馬之稱。一說，馬汗從前肩髀出，如血，故名。④渥注，水名，在甘肅安西縣。史記有嘗得神馬渥注水中之語，後人遂用稱產良馬之地。⑤桑乾河卽今永定河，又名渾河。磧謂水淺石露之處，時其地已非宋有。

秋興

成都城中秋夜長，燈籠蠟紙明空堂。高梧月白繞飛鵲，衰草露濕啼寒螿。堂上書生讀書罷，欲眠未眠偏斷腸。起行百匝幾嘆息，一夕綠髮成秋霜。中原日月用胡歷，幽州老酋著柘黃。①滎河溫洛底處所，可使長作旃裘鄉！②百金戰袍鵬鶻③